

設遷曰史稱伯律治劇才惜其貪虐猶有刀筆餘習噫彼  
精敏銳驚恤民下賢薦處士鄒亮歷御史有聲大非刀筆  
吏所辦以趙廣漢戶賞之才終為潁川河內而嘗以刀筆  
得毋資格絕之耶起于科第雖毛舉鷙擊不曰刀筆餘自  
雜進雖車如伯律輒有後言俗習大抵然矣  
是月卜寇寧夏柳義渠

國權

鹽官設遷孺木著

正統八年癸亥

正月丁巳朔免賀


壬戌勅廣東按察使郭智整飭緣海備倭軍務同都司徧歷  
各衛草弊興利仍與三司御史推都指揮或指揮智勇堪任  
者以聞

勅總督雲南軍務兵部尚書靖遠伯王驥等擒捕麓川餘孽  
浙江備倭戶部右侍郎焦宏兼福建備倭

國權

正統八年

一



丁卯 上南郊

吏部左侍郎魏驥刑部右刑郎薛希璉通政司右叅議王錫  
大理寺左寺丞仰瞻光祿寺丞張如宗分往順天永平河間  
保定廣平大名真定順德鳳陽揚州徐州滁州滅蝗種  
夜大星青白光自張宿流游氣

己巳太常寺少卿兼翰林院侍講學士金問太僕寺少卿王  
榮調南京

免江南淮安夏稅麥十五萬四千三百三十五石有奇  
罷吏部尚書郭璉時六安知州游璧因郎中蘇鎰負外郎夏

瑜賂璉子亮求方岳事覺璧瑜遣戍鎰削籍御史孫毓等劾  
璉婪鄙污衡地遂勒免

庚午封祁鏞襄世子祁鏞寧鄉王祁鉦棗陽王


禮部左侍郎兼翰林院侍讀學士王直為吏部尚書吏部左  
侍郎魏驥調禮部

大理寺右寺正李從智為蘇州知府賜勅

麓川思机發遣弟招賽等來朝謝罪命安置雲南時其黨攻  
芒市敗去

癸酉順德長公主薨 駙馬都尉石璟

國權 正統八年



得輩章于大明門外具刺法司 上示刑部尚書魏源等仍

命邏捕之

甲戌浙江寧波陳克昌為四川道監察御史

免安徽宿州去年田租

乙亥安南入貢

壬午迤北使臣還賜書可汗賞賚之并勅諭太師准王中書

右丞相七先加賜

宣府操備署都指揮僉事王良督萬全都司屯種

甲申沙州衛右都督因即來來朝進左都督

前刑部左侍郎樊敬卒 敬山東鄆城人 進士歷內外官 四十餘年明敏有才卒特予祭葬

乙酉夜大星赤光自句陳流天鈞後二小星隨之

丙戌赤斤蒙古衛都督僉事且旺失加為都督同知

二月丁亥朔武邑典史張斌為知縣雖任淺重民望也


已丑裁南京吏部員外郎四戶部主事九兵部主事四刑部

主事一并六部司務各一都察院司務各一司獄三大理寺

左右寺副各一左評事二右評事五司務一太傅寺博士典

簿各一光祿寺典簿錄事各一署丞十二鴻臚寺鳴贊二序

班三十二



庚寅勅尚膳監內官曰供養若御膳并宮中食物毋不潔蠲  
褻神而耗費

壬辰吏部尚書王直禮部署部事左侍郎兼翰林院侍講學  
士王英仍直講

四川瀘州知州林道節為鶴慶軍民府知府鶴慶本土官高  
氏至是罪絕改流官

免陝西貧民歷貸倉穀  
丁酉晉府永和王濟煊薨年五十五謚昭定

進士劉益為兵科給事中賈恪為監察御史孟瑛李柰為吏

部主事

戊戌淮王瞻墺來朝明日百官朝王于奉天門之東廡

已亥在京文武官各置倉儲官吏俸米  
作司禮監

庚子夜大星赤光自鈎陳流紫微東藩  
癸卯免廣平夏稅一千三百七石有奇

甲辰勅勞雲南木邦宣慰使罕蓋法等綵幣


丙午荆王瞻垞至京

右副都御史丁璿巡撫貴州

國權

正統八年

四



戊申代府宣寧王母徐氏夜擊世孫門厲甚世孫奔訴都司  
命遣武定侯郭玠往諭因書賜代王桂

庚戌以荆王瞻垌以建昌山瘴求遷善地命遷撫州已改長

沙又改蘄州

辛亥曉刻大星青白光燭地自北斗杓流閣道五小星隨之

癸丑許鄭王瞻垌徙懷慶


甲寅哈密忠順王倒瓦荅失里瓦刺太師也先入貢

乙卯南京通州知州魏復請天下置木鐸誦教民六諭如里  
國初舊從之

三月戊午令戶部榜諭天下民流移境外願占籍其處者聽仍  
免役三年願復業者記名優卹秋成遣之公私逋負悉與蠲  
高苑博興齊東久雨傷麥

守備獨石永寧左叅將都督僉事楊洪巡灤河逐下亦把禿  
河擒那歹斬十級

庚申巡按直隸監察御史彭勗奏 皇上承 列聖之緒躬  
履節儉子育元 甚大惠也夫何守令未盡得人夫水旱災  
傷慮煩勘覆輒匿不聞間有上陳部吏又以用遺不為停免  
致凍餒貧困轉徙流移臣見鳳陽潁州一帶扶老携幼風栖



霜宿者動以萬計詢其所自皆真定保定山東民曰游荒稅糧孳牧逋負者多有司不量情力且責償遠年賑米飢窘轉切華楚日加若不轉徙何以自存乞廷議便利凡天下旱澇之處一切應徵錢糧鹽鈔并孳牧雜辦賑米悉皆停免仍取勘缺食之人不問土著流移驗口賑給自今殿最守令一以戶口增差減為差 上從之


夜月犯土星

壬戌遼東都指揮使隸禮施聚守備寧遠義州  
癸亥安南入貢

南京大理寺少卿楊復致仕

甲子封祁鏗鄭世子祁銳新平王祁銑涇陽王祁銘朝邑王封祁鎬荆世子祁鑑都昌王封祁銓淮世子祁鑄鄱陽王祁鉞永豐王

乙丑致書鄭王瞻垓曰比念 皇考同氣至親久處封國特召諸叔父宮眷子女來京不幸 皇祖母遐棄痛何可言近襄王荆王淮王俱至叔獨疾不肯來悵然在念茲遣內官郝順特賫奉金銀採幣鞍馬諸物兼賜世子郡王郡主叔宜勉進藥食遠副瞻望



楚王季堯薨王自武陵王進封年三十一謚曰憲

瓦刺也先土罕來歸授南京錦衣衛副千戶

辛巳進士姚夔包良佐翟敬為吏科給事中陳宜伊侃為工  
科給事中

增國子監生饌米

壬申追封張興安鄉伯從其子安鄉伯張安之請

癸酉荆王淮王還國


甲戌獨石開平衛并馬營堡召商中益

乙亥御製銅人踰穴鍼灸圖序

丙子左軍都督同知吳也克克台改名克勤

丁丑南京右僉都御史張純上言宋臣包拯謂古禮人臣七十致仕所以優崇老成且開止足之端也歷代皆行國朝尤重切見內外文官有踰厥紀亦或年及者精神昏晦在公日少請急時多曠廢甚矣間畏清議勉告致仕吏部又以精力未衰奏留如故彼此相蒙乞申明古禮有回循覬覦之輩許給事中奏斥其荷重眷留無可去之義者自難繩拘 上是之即下吏部先曉諭百官許其自陳自是多有致仕者

戊寅夜大星青白光自上台流庫樓有五小星隨之



已卯昏刻大星青白光燭地自貫索流雲中後二小星隨之  
癸未刑部尚書魏源致仕賜勅自刺自長  
復張序江西廬陵知縣食從六品俸  
浚江南瓜洲壩東港  
免荊州河泊所逃亡歲課  
乙酉戶部右侍郎王質為刑部尚書初命吏部咨訪廷臣尚  
書王直疏王質及兵部左侍郎鄺楚刑部員外郎劉廣衡監  
察御史張驥以聞上即即用質  
復張慎盧氏知縣馮熙湘潭縣丞各加俸二級


浚常州孟瀆白塔德勝等河

四月丁亥設雲南芒市長官司隸金齒軍民指揮使司初陶孟  
刀放革從思任發至是來降授長官

已丑占城入貢

勅總督雲南軍務兵部尚書靖遠伯王驥等前報緬甸囚思  
任發于阿瓦城欲自貢章械至今云合官軍攻思机發取孟  
養與之始械至爾等宜諭木邦及附近土官集衆俟秋進師  
緬甸頗遠非夷兵不可爾等選萬卒從之其上方略以聞

庚寅翰林院學士蘭從吉致吉





免鳳陽靈璧夏麥一萬五千四百石有奇

辛卯右僉都御史盧睿叅贊寧夏軍務代金灑

通政司右叅議虞祥為戶部右侍郎吏科給事中湯鼎為通政司右叅議

壬辰雙流典史蘇會為仁壽知壽縣左布政司邢旭薦之

癸巳臨安知府賴瑛為雲南布政使右叅政食正三品俸

甲午朝鮮貢鷹及方物

遼東指揮同知王崇以女直野人盜入鎮北山進入海西寨獲二人進崇指揮使

乙未錦衣衛指揮僉事王息為指揮使東寧衛正千戶王武

為指揮僉事兀者等衛都督僉事刺塔為都督同知都指揮

僉事木當哈為都指揮僉事同知莽加為指揮使

俱使兀良哈功

丁酉故安南國王黎濬麟子濬上表請封并貢方物


都察院右都御史王文劾少師楊士奇縱子宜斥 上不問

戊戌修武伯沈清卒清滁州人世燕山前衛百戶從靖難功

累指揮同知出塞進後軍都督僉事充叅將鎮大同洪熙初守居

庸宣德中進都督同知正統四年脩京城門樓進左都督五

年宮殿成封素附太監王振因營繕累陞貪淫無行賜祭葬



謚襄榮

庚子久旱遣告于天地社稷山川神祇

行人王琳葉泰潘洪朱昇知縣嚴熙教諭張子初訓導汪澄

劉安史顧譙明為監察御史

壬寅鎮遠侯顧興祖管神机營定西侯蔣貴管五軍左哨

甲辰虫食中都皇陵松葉命捕之

丙午設女直成討温衛初兀者衛指揮僉事婁得以都督刺

塔弟析居成討温故立衛

己酉斤赤蒙古衛都督僉事且旺失加請建寺于也恪卜刺

其地近肅州總兵官寧遠伯任禮謂寺而不已且予之巢勿

許使報可

庚戌錦衣衛指揮僉事吳良言臣使海西見女直家人家多

漢人耕作詢之非被掠則逃亡也請榜諭女直野人俾宥罪

來歸從之

夜大星青白光燭地自天市流至箕宿

辛丑刑部右侍郎楊寧母喪命奔喪復任


甲寅泰州判官王思旻議修淮安西湖隄初光祿少卿王賢

淮安知府彭遠俱以為言命督漕總兵官武興等議取物料

國權

正統八年

千



于直隸湖廣江右于是思旻言朝廷設宮殿及文武官署不  
役天下一人今柰何以西湖隄困民各處徵需宜可罷從之  
減延綏等處屯糧初屯卒一人納糧六石至是減二石


五月乙卯朔開城王範圯進封韓王 恭王庶長子 封密蒙盛遠

世子伊府勉望洛陽王

翰林院侍讀周叙上言此者天旱 皇上躬自引咎命群臣  
齋求禱祠三日而雨然禾稼未大沾溉生民未盡滿望 皇  
上惓惓是念臣下所當欽承德意思陳闕政以消譴助理乃  
共致憂勤効忠補過之疏未聞告老陳情自乞留用之章繼

進掌銓選者誅詢不當者資格徒拘司國計者農桑生殖不加  
勤而賦稅科征日見益軍士困于造作刑罰失其中正風憲  
垂激揚之公言官惟緘默之尚至若僧道之流無益政教多  
至數萬額溢十倍徭役乏人戶口滋耗蠹政傷和莫此為甚  
又近年畿甸山東流民推原其故皆由守令不加矜恤或窘  
衣食或迫征徭竊謂守令寄撫字風憲司耳目風憲得人守  
令自職尤宜精選方可望治 上示章諸大臣吏部尚書王  
直等皆引咎自訟 上命加意密慎以副朕意

賑無為州海門興化飢遣視文安旱災清苑電災



丙辰江南去年田租半折鈔  
斥國子監生袁鄙陳義等百有二人

壬戌進士劉華甫胡淵盧祥張雲翰為南京給事中

南京吏部尚書黃宗載致仕

甲子山東布政司右叅政孫子良致仕

丁卯免雲南屯軍運糧五十九萬四百石有奇

己巳定西侯蔣貴為平蠻將軍充總兵官都督冉保毛福壽

充叅將兵部尚書靖遠伯王驥總督軍務徵雲貴川廣兵五

萬再征麓川初思任發走緬甸官軍索之不得蓋挾賊餌我

地也其子机發據麓川勢益雄故有是命

勞堪曰百夷之種麓川緬甸數為梗元江永昌之外設宣

慰司七以統百夷以沐氏遙轄亦其殼中事雲南之地南

以元江為關車里為蔽而連八百大甸西以永昌為關麓

川為蔽而達木邦西南通諸緬以底南海東南統寧遠而

界安南西北盡麗江而通吐蕃蓋南北重地沐氏世規可


世運不乏諸省惟雲南諸夷雜聚之地其為中華人惟各

衛所戎天耳

夜月食

國權 正統八年

十一



辛未倭寇海寧衛官軍禦卻之

壬申復周健全州知州陳嗣南昌縣丞各加俸二級

癸酉戶部分官往湖廣四川貴州理軍餉

甲戌光祿寺少卿宋傑兵科給事中薛謙往封黎濬為安都南國王

勅緬甸宣慰使莽得刺木邦宣慰使罕蓋法益養宣慰司大小頭目各發兵協討麓川

前山西按察僉事王琦服滿補四川


守備獨石永寧左叅將都督僉事楊洪為都督同知

右僉都御史程富往雲南督理軍儲

丙子定外遣先行人方進士時行人劉澣訐禮部郎中葉泰遣進士錢森伴送占城使臣非制尚書胡濙言往使瓦刺或負外郎主事進士不專行人命定其制陝西道監察御史曹泰言考洪武二十七年五月行人陳升等奏定詔赦賞勞使夷祭祀賑濟軍務徵聘閱兵之類俱遣行人如奉特旨不拘例遂准洪武行

戊寅雷震奉天殿鴟吻

己卯上輟朝三日遣祭天地勅諭文武群臣曰朕顯




之誠不違夙夜上天垂戒厥有所繇典祀之官誠弗至與養  
之職政失當軍旅之臣令過苛與銓選之任進退乖與爵  
賞之行明公不盡與至于刑罰過當尤干陰陽抑訴寬有詞  
苑結不理指告有禁違例故行與或操不潔白受人賄囑或  
聽不明公為人脇制誣枉平民傳至其罪與朕思省惕懼爾  
群臣其即革心改慮勉効自新天道顯明可忽視哉  
壬子大赦天下  
工部虞衡郎中王佑為右侍郎仍理各廠  
六月甲申朔日食

勅雲南大理知府劉烈屬官不法衛所官害民俱指奏


乙酉立南京武學

丁亥翰林院侍講劉球下錦衣獄論殺球上言臣按春秋君  
心之所感天心之所應如響答聲如影隨形國家成敗興亡  
罔不係之桑穀而太戊政雉雉而武丁德旱虐而周宣懼三  
君遇災脩行以動天地之遷比者雷震奉天殿陛下素服  
輟朝下罪已之詔出省躬之言甚盛甚盛臣唯今日之急乃  
有十日勤聖學自古哲后動與天合雨暘寒暑罔不時若惟  
能專志問學屏御無益心正而天從之臣願陛下多御經




筵少居禁苑數進儒臣講求至理篤精一之功極脩齊治平之道曰攬權綱權之下移宵人預政也太祖太宗畏民勅天日三視朝順門便殿時召大臣裁決庶務疑則確之自折其衷所以權歸于上臣願陛下守二聖之成規復親決之故事毋俾權移乃出宵人曰親正士諸葛孔明曰親賢臣遠小人先漢所以興隆也內外之臣賢不肖諸珠器皆駢臂錯踵受事臣惟願陛下察已詢人親遠惟精以追興隆之治曰選祀臣太常古秩宗也非其人不可以交神故堯命伯夷猶讓夔龍今太常卿貳久缺或不潔蠲宜精選儒臣使領

其職寅清端重明習典故毋後夷龍曰嚴覈吏近考察吏治責成布政按察二司及巡按御史徒具文爾吏無善政民多失業軍衛之臣為害尤酷宜選擇公明廉幹廷臣行天下無分文武官吏皆得考察斥退奸墨旌表廉異曰慎刑典古者人君不親刑獄悉付理官書曰予辟勿辟予宥勿宥惟厥中近法司上獄有奉勅旨減重為輕加輕為重法司畏卻不敢執奏慮囚之際多所觀望希合上旨枉寔繇之竊謂一切刑獄宜從所上設有不當便命參聽不加初罪初聽者又磚米納贖雖云古法然貪者幸免廉者蒙辜宜令文武臣非犯



公毋得入贖宥辟惟中曰罷營作土木之工不息則天地罪  
之和不訢京師興作五六年矣雖不順民顧皆役軍非民  
乎須之禦暴用之力役入勞不蘇是亟宜罷曰寬逋賦比四  
方災荒乞減租稅有司多行扞格或有聽准亦無實惠流徙  
失業寔可傷痛宜下戶部遇有報災勘寔量減安養流民毋  
俾失業曰息兵威兵凶器也動必傷人如麓川連歲用兵死  
十七八今劄夷未瘳未瘳又遣蔣貴總楚蜀貴陽兵以從緬  
甸受其所拘首寇思任發借彼為名果生得首寇以歸不過  
宣諸廷磔諸市島諸衢而彼且挾為功賞必求與地與則二

夷角立其勢坐大是增一夷也不與則怨是生一夷也臣見  
陛下憫錄死囚猶示曲原免為逋卒今乃驅十萬餘眾無罪  
之人而欲生得一失地之竄寇兵爭無已傷人必多臣謂宜  
召還蔣貴并止楚蜀貴陽兵勅王驥遣諭緬甸所獻寇首即  
與厚賞不煩生致仍令思机發盡削四面之地分與新附之  
夷許以小職使仍麓川則兵不用而十餘萬生靈之命無傷  
曰脩武備比年北入貢遣人歲增誠恐包藏禍心防備宜  
豫莫若于京師邊塞數遣給事中御史閱督操備使借工各  
廠及服役私家軍士悉就訓練公武舉以求良將定召募以






求武勇廣屯田收中益以厚儲蓄此十者皆合急務所以感  
格上天招致太平誠在于此 陛下設誠行之殷宗周宣不  
足法也疏入下廷議或以所擇太常寺官可從令吏部推舉  
而翰林脩撰董璘遽自乞為太常寺官太監王振以球為璘  
地并下獄初王振憾球阻麓川之師錦衣衛指揮彭德清附  
振勢張甚球以鄉人獨易之德清讒于振曰公知之乎劉侍  
讀疏之三章蓋詆公也矯旨從朝班中粹球出下獄喉錦衣  
指揮夜殺之支解瘞獄中順以疾沒聞璘從旁匿其血馬順  
裙球子鈇鉞求屍僅得一臂球字廷振安福人永樂辛丑進

士授禮部儀制主事正統初實錄成改侍讀聞其死皆惜之  
馬順子年二十餘病孱久因矣歟起梓順髮拳且蹴之曰死  
老奴今而異日禍隄我 劉球也順再拜謝不可俄子死餘  
姚布衣成器聞球事為文祭縣龍泉山上正統己巳贈翰林  
院學士謚忠愍鉞廣東叅政鈇雲南按察使

馮時可曰劉侍講之言甚切至其受禍亦甚慘烈然得與  
龍逢比干游于地下即九死何憾耶禍莫隄于振自此而  
後有吉祥有直有瑾鬻其角或祖其術以行迨 世廟  
以還政地無侵虎豹絕跡則永嘉之功寧可泯哉



何喬遠曰李時勉枷也劉球死也而皆王振矯貢欺主  
上冲年甚矣予聞周新于謙死而見形精氣為物游魂為  
變殆有之也球死正統中至今久遠矣其邑人王德新者  
以萬歷初言事捕繫錦衣獄夜作鄉語曰君亦來此乎知  
其精靈尚在也


設遷曰方劉忠愍上書時西楊待罪南陽輩獨當國何弗  
能敬也橫閹之勢張矣借董璘以擠之吹疵洗瘢駕罪于  
貞人剛士足杜一時之口而清議不沒徒自表其阱耳噫  
以文貞文定之賢夙賢不能裁一振他固無望矣汲黯所  
以難社稷臣也

戊子進士黃裳熊璘尹禮劉福白圭魏貞韓雍芮釗劉懷曹  
祥闊寬尹鉉劉賢強宏為監察御史辛浩夏裕潘英聞人諤  
左輔王凱鄭敬呂昌楊觀左鼎為南京監察御史  
戊戌復宋顯安徽懷寧知縣食從六品俸

壬寅復馮泰 大邑知縣陳廉浙江黃巖知縣

賑湖南岳州饑遣視邳州海州雨災徐州旱災鄒平蝗

癸卯吏科給事中姚夔請追謚故日南知州何忠今後大臣  
無善否並如古定謚禮部尚書胡濙等言諸司職掌云公侯



卒有謚文武大臣卒功績顯著特謚今槩謚非制何忠已贈

南寧府同知其謚惟上命遂已之

大理寺少左卿薛瑄賀祖嗣右少卿顧惟敬等下獄坐論囚

不實也瑄嘗會議東閣獨揖太監王振，銜之瑄又忤右都

御史王文及其素會校尉妻岳氏姿美弟嘗調岳不遂而校

尉死乃誣岳有他意成獄瑄廉之因劾文詔奪文俸不伏謬

言瑄得岳氏金遂磔岳論瑄死惟敬等降調

一云王振從子山通百戶安

妾安死欲納之安妻責妾持服不與山教妾告妻魘魅夫死者下御史自誣服瑄三覆三反王文大怒承振旨劾瑄是古非今故異成獄有詔廷問瑄呼文曰若為御史長當嫌避文怒奏瑄強囚不服問理坐當死下獄

薛應旂曰文清之佐大理王振引之也當時若辭而不往

豈不愈于抗而得禍乎此後築崔子夢中所得之言也

乙巳刑科給事中廖莊雲南道監察御史張驥署大理寺事

丙午蠲湖廣正統五年災租八十九萬石有奇

戊申進士林聰徐簡為吏禮二科給事中


巳酉渾河水決固安命隄之

七月甲寅朔夜大星赤光自八穀流近濁三小星隨之

乙卯大理寺左丞寺仰瞻成威遠衛坐屢盜邊囑薛瑄

脫岳氏也

丙辰初彙顏福餘泰寧三衛人屢盜邊命錦衣衛指揮季鐸



往詰之于是彙顏衛都指揮使完者帖木兒福餘衛都指揮  
同知安出泰寧衛都督僉事拙赤各謝罪 上勅勞之  
戊午加國子祭酒李時勉于太學門王振掌諸監御時勉無  
加禮伺其伐文廟樹謂私官物矯旨同司業矯旨趙琬掌饌  
金鑑並荷校監前蓋彞倫堂有樹元許衡手植以蔭翳艾其  
旁枝耳初三日合監生徒三千餘人因從左右監生豐潤石  
大用獨上疏請身代助教李繼求 孫太后家會昌侯孫忠  
附奏始得解初時勉厭繼浮薄至是得其助大用遲魯初不  
為六館所知一時名動都下明年舉北雍

古田縣久疫

庚申誅通倭叛人黃岩周來保龍溪鍾普福皆勾倭內犯倭  
去潛留縣境被執


壬戌增福建布政司左叅政周禮右叅議竺淵浙江布政司  
右叅議吳昇時各有海寇礦盜

甲子復周璘渭南知縣食正六品俸

汴河水溢潰隄隨築之

戊辰瓜哇入貢

辛未雷震南京西角門西角樓獸吻



大同巡軍至沙溝驟風雪裂膚隨指二百餘人各人給毛袄  
癸酉命山西布政司督糧叅政阮存同清軍叅議尹弼兼督  
有司招撫逃民

乙亥蠲山東灶戶逃課  
巳卯訓夏導誠左景金愷姚鵬為監察御史張永儀溥為南  
京監察御史

沈榮嗣脩武伯初沈清子鑑天榮其外婦子預托中貢得嗣  
辛巳勅瓜哇國王楊惟西沙三年一貢毋數蓋廣東右叅政  
張琰言頻貢勞敝中國也

壬午修國子監


慶王秩燿進瑞麥嘉瓜盧龍縣進瑞穀俱免賀

八月癸未朔右副都御史金濂為刑部尚書監察御史馬昂為  
右侍郎

乙酉營國子監

戊子復故文亮廣東海康知縣楊慶通城知縣進從六品俸  
庚寅免鄒平蒲臺商河灾租

壬辰復宋儒周敦頤陳顥陳頤司馬光朱熹子孫以順天推  
官徐郁言之



脩宣府大同屯堡

刑部尚書王質降戶部右侍郎左侍郎郭瑾降潯州知府杖  
刑部主事王彰司獄王溫張森成威遠衛主事王儉削籍郎  
中唐璉貢外郎丁芹主事羅瑛俱降黜時刑部盜起獄質等  
俱下都察院至是獄上

乙未安成大長公主薨 駙馬都尉宋曉

浙江處州盜夏景輝等伏誅

丙申山西蒲州判官張廉為知州以惠民擢之

丁酉總管雲南軍務兵部尚書靖遠伯王驥奏緬甸宣慰使

卜刺浪馬哈省約今冬送思任發于貢章臣先遣指揮使李  
儀等進兵南茅山直搗貢章伺敵大兵繼之俟任發至合木  
邦兵夾攻報聞


戊戌行人陳鑿為雲南道監察御史

己亥刑科給事中莊廖御史張驥為大理寺左右寺丞  
巡撫遼東左副都御史李濬

辛丑逮南京廣西道監察御史王復以貪淫不法遂勅責南

京部院大臣率屬遵戒復下錦衣衛得實戍缺嶺衛

夜大星犯鬼宿積屍氣星



丁未進士宋儒為禮科給事中張瀾為監察御史

大理寺少卿孫璧卒

己酉前太子賓客國子祭酒兼翰林侍講胡儼卒儼字若思

江西南昌人好學博覽洪武中貢士歷華亭長垣餘干教諭

已卯薦授桐城知縣永樂初解縉其文遷翰林檢討尋進薦

侍讀甲申進左諭德未几拜祭酒庚寅從北征命署翰林院

輔導太孫洪熙初致仕儼持正善教嘗楚試拔楊溥登科

甚期之人謂其知人議論微戇飭慎早退有足多者

是月浙江台州大雨水

九月壬子朔夜大星如碗赤光自華蓋流紫微有二小星隨之

癸丑祠鎮遠侯顧成于貴州

乙卯聞瓦剌也先遣三千騎攻哈密益兵二萬欲掠沙州赤

斤及肅州勅邊將嚴為備


丁巳仍命監察御史丁瑄王通清軍陝西山西

戊午南京太僕寺丞韓進秩滿以廉勤仍任食正五品俸

癸亥夜大星赤光自參宿流游氣

甲子總督雲南軍務兵部尚書靖遠伯王驥奏思机發求款

臣約至南甸騰衝須身至上許之



丙寅瓦剌入貢

己巳夜月犯畢宿

庚午召寧夏總兵官都督史昭還京

辛未像宋儒胡安國蔡沈真德秀于孔廟

命延綏寧夏于花馬定邊二營間畫界分守

壬申都指揮僉事王敬劉法貴為左右叅將協守甘肅都指

揮使石亨馬義為左右叅將協守大同

乙亥都督同知黃真為征西將軍總兵官鎮守寧夏都指揮

使朱謙為宣府右叅將守備萬全左衛

大理寺左少卿薛瑄論死子淳等三人請一人代死二人成

贖父罪不死許將決王振老僕泣于爨下振問之曰薛少卿

之不免是以泣曰何自知之曰鄉人也因述其平生振少解

得不論瑄在獄日誦周易不輟

丙子免山東萊陽文登棲霞旱災田租

十 戊寅監察御史李純巡撫遼東刑部右侍郎薛希璉清理鳳

陽田糧


禁私牧南海子

下清平伯吳英太監吳亮范弘金英阮讓等錦衣獄俱私牧

國權

正統八年

二五





南海子奪民芻

巳卯夜大星赤光自北斗魁流鈎陳

庚辰韓府進士奉祠正周禮為右長史從韓王範圯之請

十月壬午朔勅禁內官內使私結外任官囑託營求

勅戒內外官交通作弊畏勢圖賄致那移文武銓選出入囚

罪勞敝軍民

禁私藝南海子

癸未增戶部雲南司主事一專督御馬監芻豢

丁亥內使張環顧忠為輩章責數王振罪事覺下錦衣獄以

誹謗磔于市令內官俱出視

庚寅作光祿寺牲房

辛卯武城後衛帶俸都指揮使王斌為署都督僉事協守延

綏懷慶衛指揮僉事蕭敬為署都指揮僉事協守涼州初兵

部同成國公朱勇等試武臣斌敬俱能對策騎射餘六人不

善對策

壬辰周王有燿言先祿二萬石今止萬石不贍命終萬四千


石餘折鈔


癸巳兵部左侍郎鄭長予告雲南左布政使應履平致仕

國權

正統八年

三五





乙未夜大星赤光自五帝座流紫微外藩

庚子免桃源鹽城清河去年災租二萬三千七百三十餘石

勅諭瓦剌七先勿侵哈密還其王母

昏刻大星赤光自西南雲中流天市

癸卯夜月掩軒轅

巳酉增御馬監倉

庚戌長清典史何聰為長壽知縣聰先以長壽典史憂去

長清而長壽人詣闕以請從之

增浙江布政司右叅政督巡海道

懷安教諭丁泰亨為廣西道監察御史

十一月壬子朔日食

許彬服滿補翰林院脩撰

癸丑廣東海南衛指揮使石聚入朝宿妓成威遠衛

甲寅復紀振為武學教授時秩滿改吉安武學衆生留之


遣視浙江黃巖樂清水災

戊午禮部左侍郎魏驥調南京吏部

己未右僉都御史王翹為左副都御史仍提督遼東軍務

乙丑迤北瓦剌脫不花王等貢馬

國權 正統八年



丙寅通政使叅政俞士悅為河南右布政使孫原貞為浙江

左布政使科給事楊信民為廣東左叅議

賑安徽巢縣飢民糶五千三百石有奇

夜月掩木星

戊辰監察御史刷陝西山東山西案牘

己巳巡撫山西右僉都御史羅亨信改遼東監察御史李純

仍理屯糧

御馬草場火御史會劾戶部尚書王佐左右侍郎王質焦宏

罪上不問

庚午夜土星犯井

辛未河南汝州妖人張端伏誅

故 皇后靜慈仙師胡氏殂

己卯增各省按察僉事專理屯種

庚辰免安慶定租八萬五千七百餘石

是月十騎犯寧夏官軍追敗之于白狼山

十二月壬午夜土星犯井

癸未學正劉泓教諭馮靖訓導潘楷盛琦為監察御史

免山東復業逃民田租二年

國權 正統八年

二十七

丙戌駙馬都尉焦敬受留守衛舍人賍被劾加長安右門

戊子 靜慈仙師塋金山每節太常寺例祭

談遷曰 胡氏以無罪廢 宣帝晚甚悔之而不及復終

于覆水麗華之寵潛移坤極迨 昭聖賓天益加悽咽嗟

乎情之所鍾金屋不足喻其榮憎之由来長門不足宣其

恐雖霜露之感切于杯土孰與迴永巷之車也

壬辰兵部主事甄讓為宿州知州讓初判宿州見思至是宿

州衛卒伏闕以請

癸巳蠲南京通州灾租三千四百六十九石

丙午均配兩淮鹽場分上下便商販

丁酉國子監成

進士魯文為刑科給事中甘澤為監察御史

乙巳開封知府黃濬子以阜配周府汝陽王女被劾閑住阜

兄平吏部文選主事

丙午錦衣衛指揮同知丁全往祭故沙州衛左都督因即來


赤斤蒙古衛都督且旺夫加

戊申吏部郎中夏衡為順天府丞仍直內閣

免直隸順德灾租

國權 正統八年

天



國權

正統九年甲子

正月辛亥朔夜大星赤光自霹靂流近濁

甲寅都察院右都御史王文巡安寧夏

視延

戊午瓦剌貢使都指揮僉事把失罕卒于會同館諭葬

辛酉 上南郊

甲子刑部員外郎丁芹降

知縣主事羅瑛李泰趙倫降

衛歷時經失囚


國權

正統九年

一

是年巡撫周忱奏松江賦役繁重以濶白三梭布一匹准平  
米二石五斗加津費二斗五升濶白棉布一匹准平米九斗  
八升加津費一斗二升每匹長四丈二尺重三升兩端織紅  
紗防盜剪華亭細布一萬六千一百八十五匹每匹直六錢  
一分粗布四萬八千九百三十五匹每匹直二錢上海同

監官設遷孺木著



乙丑周府汝陽王有燭薨年四十九謚恭僖

翰林院侍講曹鼐為學士

寧夏總兵官後軍都督史昭卒

己巳錦衣衛帶俸都指揮僉事陳友為游擊將軍

辛未成國公朱勇興安伯徐亨都督馬亮陳懷等分勦兀良

哈時三衛陰寇邊勇同太監僧保出喜峰出口恭順侯吳克

忠佐之亨同太監曹吉祥出界嶺口亮同太監劉永誠出劉

家口懷同太監但住出古北口各領萬人期至遼河土河會

遼東總兵官都督僉事曹義之師

癸酉勅戶部右侍郎焦宏治餉勅宣府總兵官永寧伯譚廣

大同總兵官武進伯朱冕合叅將朱謙石亨各率兵出塞會

楊洪勦兀良哈或諭瓦刺人明諭以東往毋驚疑相犯

乙亥免饒陽縣災租


右副都御史陳鑑秩滿為右都御史仍鎮守陝西

瓦刺使回勅賚可汗并太師也先

大同左叅將都指揮使石亨為後軍都督僉事內官韋力轉

為都知監丞初犯延安亨追敗之金山擒六人斬七級

命鴻臚寺序班祁全往諭四川松潘等寨番族擒叛賊贖罪



召雲南總督軍務兵部尚書靖遠伯王驥來京

戊寅大理寺左右少卿賀祖嗣顧惟敬知漢州光州

巳卯兵部右侍郎虞祥往順天永平工部右侍郎王永和往

鳳陽淮揚政通使右通政呂爰政往大名廣平左叅政王錫

往真定順德光祿寺丞張如宗往河間保定各巡督捕蝗種

孝陵衛指揮使蘇永善卒 寧國大長公主孫

二月辛巳朔夜大星青白光自華蓋流至近濁

壬午右都督僉事毛翔卒

乙酉安定王市茶五百斤官運 國師二百斤俱自運著為令徒衆一百斤

丙戌監察御史羅綺叅贊寧夏軍務時叅贊盧睿疾回京

遣內臣勞楊士奇卿子有違家訓于國紀以祖宗之法

拘繫之卿其勉進藥食用副注望

戊子獨石永寧左叅將都督同知楊洪敗兀良哈安出等于


以克列蕪是夜月犯木星

辛卯脩武伯沈榮管神機營左哨

壬辰鎮守延綏都督僉事王禎降都指揮僉事寧夏左叅將

都督僉事丁信降都指揮使右叅將都指揮僉事王榮降指

揮使陝西按察副使陳斌降按察僉事餘謫遣有差去歲



千騎入延安定邊營諸將怯敵失事

許廣西養利州判官汪浩久任浩善撫民頭目趙四乞永任  
吏部難之 上特從其請

癸故赤斤蒙古衛都督同知且旺失加子阿速為都督僉事

甲午暹羅國云人或有替下入貢

乙未左軍都督僉事曹儉薦廣東東莞縣河泊所官羅通有  
文武才不聽

丁酉守備獨石永寧左叅將都督同知楊洪為後軍左都督  
右叅將都指揮使宋濂為後軍都督僉事內官韓政為都知

監左少監

戊戌朱勇等渡柳河經大小興州過神樹至全寧過福餘衛  
逆戰敗之次虎頭山及流沙遇泰寧朵顏又敗之


丙午湖廣布政司右叅議楊復致仕以復之子舉選江夏王  
儀賓

總督雲南軍務兵部尚書靖遠伯王驥上捷云臣等合木邦  
等夷兵進緬甸累捷緬人載思任發于江上覘我復匿之欲  
以麓川予木邦益養戛里予緬甸始獻任發詭思机發致仇  
為解乃縱兵搗思机發寨獲其私屬及從賊九十餘人象十

國權

正統九年

四





一隻班師

興安伯徐亨等敗兀良哈于土河北川

安鄉伯張安右軍右都督程忠卒

戊申浚鎮江常州運河

庚戌琉球國中山王巴尚志入貢

寧夏總兵官都督同知黃真等言奉勅逐上黃河灘東西袤

千餘里未宜輕動十月初會延綏兵出塞從之

增延安衛安邊營成卒

三月辛亥 上幸國子監

始復晚朝

甲寅瓦剌太師也先入貢

庚申重給暹羅國王鍍金印前燬

命廣西總兵官招諭叛蠻

癸亥總督漕運官不得委武弁分管閘埧

裁湖廣興山縣併于歸州

甲子兵部尚書徐晞等劾太子太保成國公朱勇等出塞無


功 上宥之

少師兵部尚書兼華蓋殿大學士楊士宰奇士奇江西泰和

國權

正統九年

五




縣人少孤游學武昌薦直翰林授王府審理 文皇帝初擢  
編脩直閣進侍講東宮進兼左中允尋擢左諭德兼侍講  
上北征輔侍東宮監國及即位進禮部侍郎兼華蓋殿大學  
士歷少保少傅洪熙初兼兵部尚書宣德初漢庶人反勸全  
趙邸左右密勿 上即位進少師士奇秉謙篤義論事存大  
體在 帝前表德掩瑕所推轂皆名士文謹嚴有法卓然為  
當世望贈左柱國太師謚文貞賜祭葬子植廕尚寶司丞  
廖道南曰予觀沙羨稿石臺稿見文貞早歲跡馳魁岸視  
天下莫已若及觀國史暨三朝聖諭錄乃知管仲之才優

于召忽魏徵之績多于王珪輔亮東宮保全趙邸歷事四  
朝始終如一或者乃以周是脩之死子稷之獄少之則吾  
不知也

鄧元錫曰予讀楊文貞公文如揖者宿老儒造次立設必  
于道而議度儼雅可敬也史記其語曰天下萬世之事當  
以天下萬世之心處之大哉相言諸調劑輔拂功秉道守  
一歸主于為德為民有以耳

何喬遠曰管仲晏子不死其君仲尼無譏焉孟子不顧管  
晏然而不罪湯武也明興二百餘年三楊胡解蹇夏之勞




能爛然于紀載矣君子猶有不死其君之譏浮沉居位又  
有不免訾者予考三楊若胡舉在建文之朝且士奇以建  
處士徵胡廣以及第擢若蹇義夏原吉解縉則皆 太祖  
之臣靖難師入原吉居斲縉方謫還自小吏惟義列于六  
卿耳 太祖不為君用之刑在前矣士有抗志山林卧病  
不出者誅僂其身家故有自斬趾免者有斷指免者佯狂  
免者覺則未有不死也否則當若周自脩矣孔子不云乎  
柴也其來由也其死若夫 成祖以英武臨之于上 仁  
宗父子危疑之間漢庶人跪覬而從其後自非周詳慎密

曷能保位而終所志乎易曰臣不密則失君機事不密則  
害成苟錯諸地而可藉之用茅慎之至也蓋予觀楊士奇  
出迎稍緩夏原吉一語婉諫繫獄隨之解縉廣詞直論其  
身之不免諸臣所處難以論浮沉矣難以論浮沉矣

乙丑時雨雪愆期遣祭郊社山川諸神

南征麓川達官舍人家屬給絹二匹布三匹有願者視者給  
口糧脚力

丙寅太子太保成國公朱勇為太保封中軍左都督陳懷平  
鄉伯右軍左都督馬亮招遠伯以勦功戶部劾勇奉命出



喜峰出口迂道支糧一萬六千餘石菽八千石芻八萬餘束  
宜責償 上不問時三衛寢衰而怨我次骨雖朝貢如故陰  
陰通瓦刺

庚午寧夏總兵官都督同知黃真都指揮陳友擊兀良哈獲  
四百餘人畜產萬餘

乙亥江西崇仁縣丞潘源清為知縣食正七品俸

定廣西屯兵歲九月至次年三月戍柳州四月至八月瘴盛  
回桂林


丙子復衛景嚴直隸真定府知事食正八品俸

四月庚辰朔雨澤愆期徧告于群神

甲申永平大長公主薨 駙馬都尉李讓

乙酉直隸交河典史楊貴為知縣時邑人求貴代吏部以掾  
難之 上從民望報可

江西道監察御史朱本等言三事曰去冬少雪今春不雨飢  
饑薦臻咎在臣下乞勅大臣率屬脩省不悛者許言官指寔  
彈糾天下貪酷官吏皆考覈之曰刑官人命所係今在外按  
察司及斷事理問推官多不諳律乞加精選曰在外儒學故  
以貢士任教官比因任滿生徒應舉之乏人行充河泊等官



續將年深監生選補往廢職不能有才宜遴簡之用稱模

範 上納之俞一作本諭吏尚書王直等曰廷臣俾共乃職有司

不稱者巡按御史布按二司官廉察罷黜之其貪酷舉劾刑

名官當選有學行通律意者教官選文學任滿九載生徒如

無登科試學果優許任如故

故翰林院脩撰龔琦先以父避戍削籍屢贖辦戍缺嶺衛

丙戌翰林院學士陳循直文淵閣

增山海衛戶部主事提督屯糧并巡視永平界嶺口劉家口

喜峰口倉場

丁亥沙州及赤斤蒙古告饑戶部謂遠夷不餉 上量給之

戊子山東樂陵典史孫智為主簿智秩滿被留

朝鮮國王李禔獻犯邊逆倭五十七人勅勞之

己丑恭順侯吳克忠進太子太保


辛卯黔陽王季淑進封楚王季燠大冶王芝壩唐世子芝址

舞陽王芝城新野王秩靈安塞王

南京右副都御史周銓言各處解果品厨料俱經南京光祿

寺轉運限八月交納物不及時易壞乞自今隨產輸北免煩

南寺從之



壬辰禁勢豪攬納芻粟中鹽

甲午勅部院順天府尹凡造作物料先給價買不許損民

丙申金吾左衛帶俸都指揮使王喜錦衣衛帶俸都指揮使  
額里字羅那罕赤俱為都督僉事俱從征迤北有功額里字  
羅賜姓名高禮那罕赤賜姓名莫清

巡按山東監察御史曹泰言布政使即古州牧按察司即古  
監司近歲有缺必令大臣會舉然或循資格或涉親故任之  
者昏耄時有庸懦尤多乞精厥選 上然之


丁酉琉球入貢

己亥復文李斌懷遠典史食俸從九品

癸卯旱遣翰林院侍讀周叙習嘉言編修薩琦呂原倪謙楊  
鼎江淵徐瑄檢討王王給事中姚夔章瑾李素劉益尚達中  
書舍人李廷脩張傑分祭岳鎮海瀆鍾山之神  
直隸清苑主簿高儼為縣丞邑人詣闕留之

乙巳宣府叅贊軍務山東布政司右叅政劉璉為戶部右侍  
郎仍舊任

吏部言教官任滿無貢士試學優者教授學正教諭俱降訓  
導訓導調任邊遠試不中除雜職從之



丙午復尚俊元氏主簿食從八品俸

戊申安南入貢上言欽州地又遣阮叔惠叅知番刑院事程真入貢言龍州赤城地

已酉命陝西糧存留三分餘本折半之悉輸甘肅寧夏延綏守備鎮番衛都指揮使馬麟侵餉以赦復秩不許

夜大星青白光自軒轅流雲中

五月辛亥都指揮僉事陳友為都督僉事

思机發子箇盖等械至京没入御馬監餘十二人戍邊  
癸丑免淮安夏麥五萬五千餘石


甲寅浚新安縣長溝河

前兵部左侍郎鄭辰卒辰字文樞西安人永樂間進士授御史歷使稱旨擢山西按察使潞州盜起議遣兵獨主撫旋平拜工部左侍郎考察雲南四川大吏還濬漕河正統中改兵部疾去賜祭葬

乙卯工部右侍郎邵旻降柳州知府旻坐盜官物下獄遠值赦喪去至是服闋吏部以聞特謫

河南按察僉事孔諤苛暴降廣南府通判

己未時遣官錄天下疑獄刑科給事中陳傳請兩京亦如之



遂命左副都御史張琦往南京刑科給事中王鐸錄京師琦  
道疾改刑部左侍郎馬昂

庚申大同總兵官武進伯朱冕等言鎮卒止二萬四千六百  
餘人除諸處守備恐策應不給馬隊尤少請步卒二千四百  
人屯田山西行都司者仍遣回半充馬隊更選河南山西千  
五百人充馬隊從之

辛酉丁鉉服闋補刑部右侍郎

癸亥夜月食

甲子命文武大臣試各衛所官策射

乙丑復張孟昇德安府經歷食正七品俸

丙寅哈密衛都指揮使脫不花為都督僉事

丁卯刑部右侍郎丁鉉光祿寺丞呂泰往四川督茶運西寧


太監王振言饒州陶器不堪命錦衣衛指揮往杖其提督官

仍責造

己巳占城入貢

庚午韓王範北薨年二十五謚曰懷

雲南總兵官右都督沐昂等奏思机發負固但我力匱乞遣  
諭木邦緬甸俾俘獻否則再舉從之





壬申召提督遼東軍務左副都御史王翱還京

崖州守禦正千戶陳政副千戶洪瑜勦黎賊濫殺熟黎激變

政被殺事聞瑜戍廣西

癸酉後軍都督僉事陳友出塞招胡四百八人來歸賜衣幣

左軍都督僉事曹倫卒

昏刺火星犯左執法

乙亥復王從均州知州食從四品俸

罷四川高縣筠連茶課司以茶惡折鈔

丙子江南泰州判官王思旻為同知以秩未滿部民號乞之

丁丑勅諭緬甸軍民宣慰使莽得刺子卜刺浪馬哈省以速

刺等爾因思任發于阿瓦城約官軍于貢章接收爾特詐襲

我諸將請兵之朕念傷及無辜今爾果擒獻即宥罪陞賞若

復不悛貽悔無及又勅木邦軍民宣慰使罕蓋法等開諭緬

甸執賊來獻

免保定和州去年災租

六月己卯朔禮科給事中余忻行人劉遜還自琉球受覬下獄


杖而宥之

庚辰大風雨拔木

國權

正統九年

十三



壬午勅寧夏總兵官都督同知黃真等選靈州土達從征以署都指揮僉事許宗指揮僉事韓鵬領之

湖廣貴州苗各虫鼠傷稼求伐木販土物易粟許之且量賑癸未河南右布政使俞士悅為大理寺卿

雲南南甸州及千崖長官司俱改宣慰司

總督雲南軍務兵部尚書靖遠伯王驥以邊民潛入木邦緬甸車里八百等夷牟利生衅請嚴其出入從之

丙戌總兵官定西侯蔣貴益祿五百石王驥三百石賜金百幣十隻鈔萬貫總兵官右都督沐昂為左都督都督同知冉


保為右都督都督僉事毛福壽為都督同知左少監蕭保為太監各金八十幣八鈔五千貫時驥老師亡見績而王振為之內僉主勿恤也

庚寅禁奪寧夏靈州等土達畜產器械

李蕢服闋補工部左侍郎

遼東總兵官都督僉事曹義為都督同知守備義州都指揮使施聚為都督僉事

四川廣西土官近貴州者聽守備貴州叅將都指揮同知郭瑛節制



辛卯廣西荔浦等縣蠻莫公喬等作亂議討之

乙未禮部右侍郎侯璉為左侍郎右僉都御史程富為左僉

都御史戶部員外郎周來學為郎中兵部主事趙敏為吏部

員外郎俱麓川轉餉功

丙申增密雲斥堠戍卒

武康伯徐禎卒

丁酉監察御史魏貞弛罪人桎梏下錦衣獄

戊戌復柴林安定縣丞食從七品俸陝西

壬寅山東歷城縣丞熊觀為知縣

七月己酉駙馬都尉石璟言家閹呂寶太監王振惡之下獄

浙江處州盜走福安掠銀礦殺右叅議竺淵

辛亥勅刑部右侍郎楊寧叅贊雲南軍務代侯璉

貴州施秉蠻夷長官司改施秉縣轄鎮遠府

壬子免山西隰州灾租七千四百九十餘石

癸丑免開封衛輝南陽河南懷慶彰德去年灾租三十萬三


千二百五十餘石

申明植桑棗法勸貸富民

乙卯楚府通山王孟燭薨年五十七謚靖恭

國權 正統九年

十五



嚴科舉冒籍從雲南道監察御史許澄等之言

丁巳命寬恤廣西徭民徭役

戊午浙江台州通判周旭鑑為知府旭鑑署黃岩縣甚得民心故從其請

己未夜月掩南斗魁

庚申封祁鑑趙世子祁鎡臨漳王祁鎬湯陰王祁鏗襄邑王

壬戌翰林侍講學士高穀侍讀陳詢主試應天

甲子應天蘇松常鎮廣德大風雨拔木溺人畜傷稼江都縣

沙民淹千餘人

丙寅復王得仁福建汀州府經歷食正七品俸

丁卯少保大學士楊溥乞休不允

庚午勅邊將以兀良哈頭目安出言女直來侵且脩怨又也

先索三衛流人其情叵測宜整士申脩


昏刺慧見太微東垣閏七月己卯減于角宿

辛未陝西布政司右叅政年富為河南右布政使

應天府丞檀凱致仕

江西道監察御史潘楷繫募僧兵馬司尚膳監太監班祐謂

門僧不當坐下楷錦衣獄除名



丙子前鎮守山西後軍左都督李謙卒

丁丑前南京吏部尚書黃宗載卒宗載江西豐城人丁丑進士授行人歷左右司訓導司正永樂癸未擢湖廣按察僉事鋤強起瘠丙戌召脩永樂大典還任坐累謫役楊青駟已起山東道御史侃侃不附巡交趾還擢詹事府丞洪熙初進吏部右侍郎歷尚書致仕宗載廉正有文學賜祭葬

閏七月戊寅朔戶部右侍郎王質重開福建浙江銀場國初閩課歲二千六百七十餘金浙課歲二千八百七十餘金永樂閩閩至三萬二千八百餘金浙至八萬二千七十餘金宣德


閩閩歲四萬二百七十餘金浙歲九萬四千四十餘金民困甚上初閉冶獲蘇至是多盜鑛御史孫毓福建叅政宋彰浙江叅政俞士悅謂開則利自上浙江按察使軒輓謂開之患尤深上是之刑科給事中陳傅復以為請中貴附和故有是命閩額二萬一千一百二十餘金浙額四萬一千七百餘金供億之費殆過公稅盜又不絕至己巳勤兵民始安順天真定保定大名永平順德河間應天濟南開封衛輝懷慶嘉興湖台岳各大水傷稼遣視

庚辰兵科都給事中薛謙為應天府丞刑科給事中王鐸為

國權

正統九年

七



順天府丞

辛巳工部右侍郎王佑太監阮安視蒲溝瀆縣等決河

甲申令岳鎮海瀆郡縣社稷山川文廟城隍及祀典神祇壇廟有損壞者有司以時脩葺

命有司掩瘞暴骨禁發塚

定邊衛指揮使陳信為署都指揮僉事提督通州

戶部右侍郎焦宏等巡壩上馬房草場言內官占役軍士私

墾或建寺立窰命內官各地一項內使淨軍各半之寺廟勿

除餘悉還官歲遣科道巡視

立真定南關稅課局權山西之木

丙戌藩府黎城王佶燭薨年三十五謚昭僖

庚寅免安徽池州災糧三萬三千二百九十石

賑雲南楚雄臨安曲靖大理饑

癸巳鎮守遼東太監王彥卒命太監喜寧籍其貲彥妻吳氏

詐寧私取蒼頭駝馬器具田園鹽引 上宥寧弟追入之

丙申都指揮僉事李信鎮守洮州


戊戌夜月犯天街上星

庚子左通政李錫為通政司使

國權

正統九年

大



勞京營吏卒二十二萬餘人計三十萬金有奇

辛丑命各土官子入學從思南府經歷李驥之請

壬寅雷震奉天殿鷓鴣吻

癸卯太常寺少卿蔣守約為寺卿

諭戶部存恤南北災民賑饑蠲田租歲辦

命都察院禁官司巧斂尅害軍民

甲辰河間同知廖謨為知府部民奏乞之

乙巳 上親告雷警于太廟遣祭天地

傳雲南銀冶總兵官左都督沐昂等言課不償費也

丙午故沙州衛因即來子喃哥襲都督僉事少子克羅俄領

占除都指揮使

前刑部尚書魏源卒源字文淵江西建昌人丙戌進士授御

史有聲進浙江按察副使尋署刑部右侍郎會河南飢調左

布政司賑之民蘇進刑部右侍郎整飭四川邊務群廢畢舉

還拜尚書已從西征督察諸將指畫俱中縻雖忤權弗顧也

還朝病足自免寬厚有量嘗怒屬官尋請事即善遇之得大


臣體賜祭葬

八月丁未朔遣視平陽荊州沔陽旱災

國權

正統九年

九



浙江黃岩縣疫死萬人

勅太保成國公朱勇等并五軍三千神機等營曰朕賚軍士  
爾頭目名備軍裝楛克之爾等不禁何也已命御史糾察尚  
亟改毋後悔

戊申申明習尚胡卜衣服語言之禁

刑科給事中鮑輝言近例浙江計口月納米三升買鹽一斤  
彼飢民安能計口出米哉請自今禁舟車私載外其肩負十  
斤以下勿問民間食鹽聽自買毋復計口月給從之

庚戌武定侯郭珖為鎮朔將軍總兵官鎮守宣府召宣府總

兵官永寧伯譚廣還京


刑科給事中鮑輝言郡縣官九年考滿多在任買田置宅娶  
妻立籍恐遷他境邀民保留弊政為甚下吏部言保留故事  
不可以一妨十唯宜上司嚴覈上從之果狗私俱治以罪  
蠲陝西田租十之四九四十八萬六千石有奇餘收粟布

壬子復徐聖保定府推官食正六品俸

甲寅翰林院侍讀周叙侍講王一寧主考順天

進士畢鸞胡貫任寧張文為監察御史

大理寺卿俞士悅言文職受財枉法滿貫當絞者例子充軍





不滿貫者並贖為民武職坐流徒杖者緊充軍夫武職出萬  
死得官例緊充軍則前功盡棄罪反重于文官乞令武職受  
贖私縱操卒滿貫當死者充軍其不滿貫當流徒杖者如舊  
贖罪還職從之


乙卯赤斤蒙古衛指揮阿速言先臣都督且旺失加以瓦剌  
七先求婚未即聽今又求臣妹邀往受聘乞內附避之勅曰  
七先求婚向許爾父自擇便自中阻顧受聘非宜往而見詐  
悔將何及赤斤世守地柰何棄之爾弟保險綏衆善自備朕  
且命邊將緩急爾矣時七先強赤斤沙州罕東名內屬陰臣

受平章等秩

丁巳應城伯孫純為總兵官鎮守薊州永平山海召鎮守總  
兵官都督同知王忒還京  
辛酉浙江按察僉事彭貫奏言屯軍畝輸粟五斗田有餘授  
之軍餘及民輸亦如之夫餘丁非正軍可比民有雜差又非  
餘丁可比請遞減之餘丁畝輸二斗民畝一斗其荒田三年  
始科從之

乙丑免山東及揚州災租

丙寅夜大星赤光燭地自危宿至羽林軍後有三小星隨之



甲戌前山西左布政使華亭馬麟卒麟永樂間舉人才超拜  
布政使二十年民安之

九月庚辰南京國子祭酒陳敬宗秩滿至京仍任

江南溧陽縣丞鄔瑯為知縣

丁亥命兵部尚書靖遠伯王驥都察院右都御史陳鑑往西

北沿邊閱軍

增給遼東延安綏德甘肅永寧宣府寧夏銅銃

鎮守延安綏德都指揮僉事王禎為都督僉事仍鎮守

已丑興安伯徐亨鎮守陝西監察御史馬恭協贊寧夏軍務

戶部右侍郎王質卒質字夢瑾安徽太和人 貢士訓導

南陽擢御史宣德末進四川叅政尋進山東右布政使正統

六年進戶部右侍郎八年進刑部尚書俄失囚遷戶部侍郎

會閩浙銀場盜起命質往卒于杭州武林駙賜祭葬質平易


廉介雖博記不善文嘗曰吾之學如蜂華而不蜜

庚寅訓導孫謨周文李忠周文盛陳雍曹敬為監察御史

辛卯鎮守陝西都督同知鄭銘年老召還

定西侯蔣貴擅領左哨 上切責之

免鎮江旱租九萬九千八百二十餘石



夜大星青白光自危宿流至游氣

乙未曉刻月犯井宿

戊戌楊稷死錦衣獄稷豪奪子女田宅私商稅毀人墓屢殺  
不辜怨家訴于朝逮入京初楊榮沒鄉人訴其子士奇擬遣  
緹校事竟白子得官尚寶至是陳循忌士奇遂以建安例嗾  
鄉人奏其子稷太監王振竟逮之

己亥立雲南隴川宣撫司麓川頭目恭項先來歸累功于是  
即麓川故里設宣撫同知副使僉事各一

壬寅肥河衛都指揮別黑格脩怨于兀良哈同嘔罕河衛都

督你哈答等敗掘赤安出等于格魯坤迭連遣指揮咬失等  
報捷


癸卯南京吏部右侍郎趙新改吏部右侍郎

甲辰許廣西提學僉事考校應襲武職

夜大星赤光自奚仲流天紀後二小星隨之

十月丙午朔日食

命山西大同總兵官武進伯朱冕寧夏總兵官都督同知黃  
真鎮守延安綏德都督事王禎守備偏頭關都指揮馬貴巡  
視塞外



丁未道錄司右演法邵以正校道經于禁中

壬子許貴州人輸布代租

癸丑瓦剌脫不花王及太師也先貢馬三千九十二匹遣使一千八百六十七人

丙辰浙江處州衛指揮使王敬為署都指揮僉事提督温州等衛海道

戊午疏浙江上虞凌湖

己未監察御史李儼監收光祿寺祭物值太監王振不跪下錦衣獄戍鉄嶺衛

辛酉南京右副都御史周銓為左副都御史仍提督倉儲夜月當食不食


設遷日日食脩德月食脩刑自閹振竊柄袞闕多矣而月當食不食噫是何祥也或大禍之延盈我主聽貽其咎于

日後耶

癸亥夜大星青白光自室宿流游氣

甲子 孝誠昭皇后主祔廟

永寧伯譚廣卒廣江南丹徒人燕山左護衛百戶從靖難再從出塞征胡以左都督鎮守宣府正統六年捕獲胡馬中



律封祿千二百石流爵起戎伍大小百餘戰未嘗敗統神機營騎兵整銳人稱譚家馬鎮宣府二十年吏卒感慕年八十二贈祭葬謚襄毅

乙丑頒釋道大藏經于天下

丁卯順天府尹姜濤為戶部左侍郎光祿寺少卿王賢為順天府尹

庚午順天大興知縣蘇敬杖斃老人蕭永成威遠衛

甲戌兵部右侍郎虞祥通政司右通政呂經正翰林院侍講劉鉉檢校王玉清理軍職貼黃

陝西都指揮僉事後能鎮守岷州

遣都指揮李鐸哈刺苦出諭沙州罕東赤斤蒙古三衛未報

沙州衛頭目薛令言也先授喃哥平章等官又瓦剌欲自大

同寧夏謊力山亦集乃入寇復勅鐸諭之且察且向背


十一月庚辰衍聖公孔彥縉入朝

甲申也先復入貢

丁亥獨石備邊府軍衛指揮僉事楊俊為署都指揮僉事

己丑滿刺加國入貢

辛卯賑靖州鎮遠府飢



癸巳山西樵者王洪狂走哭入長安右門言百姓饑亡請面  
訴下錦衣獄錮之

夜大星赤光自室宿流至游氣

甲午免直隸廣平去年災租千九百餘石

丙申進士王宣為吏科給事中

壬寅遼東提督屯種監察御史李純為右僉都御史仍任

遣視蘇松常鎮水災

甲辰前四川按察使龔鏊卒鏊字子諫江西南昌人貢士授  
兵科給事中擢雲南按察僉事改廣西至按察使廉潔自將

建白俱切要雖歷憲臬未嘗樹威家計泊如也

十二月乙巳朔提督直隸易州山場柴炭政通使右通政陳恭  
為工部右侍郎仍故任

運南部絹布一萬八千匹賚雲南吏卒

戊申疏鎮江常州運河

夜大星青白光自北斗魁流近濁

己酉提督大木廠大理寺右少卿韓翼為左少卿


壬子南京太常寺少卿兼翰林院侍讀學士金問為南京禮

部右侍郎

國權

正統九年

二六



癸丑免常州去年定租十萬五千七十餘石

夜大星赤光自星宿流至游氣

甲寅增蘭縣戍卒三千人蓋甘肅要害也

會川伯趙安子瑛授 正千戶

陝西都指揮使魯失加為右軍都督僉事

丙辰置京城彰義門官房稅商稅

丁巳後軍都督僉事王喜為甘肅左叅將山東都指揮僉事

李進守備蘭縣

壬戌命甘肅總兵官寧遠伯任禮祭山川之神先是風晦

會川伯趙安卒安四川狄道人從兄琦為土指揮同知坐罪

死安株戍甘州永樂初進馬除臨洮百戶使西域從北征進

陝西都指揮同知宣德二年克左叅將征松潘散刺進左軍

都督僉事五年克左叅將從史昭征曲先十年援甘涼鎮番


正統元年以都督同知克副總兵征朵兒只伯捕首中律

封流爵勇毅有將才故多戰功

甲子令囚雜犯死罪以下減遞二等笞杖罪悉宥之休息工


匠赴役待明歲

丙寅給陝西運茶軍人月糧三斗



丁卯免南京各衛差標屯軍餘糧  
 已巳許尚寶司丞夏瑄終養母氏  
 甲戌賑陝西西安饑


國家圖書館, NATIONAL CENTRAL LIBRARY, TAIWAN, P.R.C.










國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.





Inches 1 2 3 4 5 6 7 8  
Centimetres 1 2 3 4 5 6 7 8


TIFFEN Color Control Patches


© The Tiffen Company, 2007

Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]




國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.



Inches 1 2 3 4 5 6 7 8 Centimetres 1 2 3 4 5 6 7 8

TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black



















3393400 v.17

國家圖書館, NATIONAL CENTRAL LIBRARY, TAIWAN, R.O.C.





國權

正統十年乙丑

正月巳卯令吏部會同都察院大理寺禮部察入覲官仍各詢

所屬治行具最以聞


壬午逮福建左布政司方政正按察使謝莊下獄正削籍莊

戍威遠衛俱脅取指揮女為妾又妓飲吏科糾之


甲申忠義後衛倉火戶部右侍郎李暹等下獄

丙戌上南郊

國權 正統十年



國家圖書館, NATIONAL CENTRAL LIBRARY, TAIWAN, R.O.C.





丁亥夜大星赤光自天鈎流天津後有五小星隨之

戊子命中外官各推舉將才

辛卯琉球國中山王入貢

魏國公徐顯宗等二十八人失朝被劾令跪于午門媿之

壬辰吏部大計罷黜四百五十三人

癸巳浙江都轉鹽運使司運司丁鑑鞏昌知府韓福南昌知

府胡本惠寧國知府袁旭松江知府趙豫鳳陽知府楊瓚海

豐知縣王懋霸州知州張雷吳縣知縣葉錫慶雲縣典史趙

亮等十人俱察最命人賜金織衣一襲鈔五百貫宴禮部吏

部錄姓名叙擢之初因刑科給事中鮑輝之言

薛應旂曰此寔勸賢盛典 祖宗朝間一行之迨後遂為

故事凡復任者通給勅諭無復旌別而淑慝溷淆矣

設遷曰超卓之績薦寵守令事之恒也縣尉甲極宴賚相


匹賞不遺賤當日所風厲猶有古人之餘惠後此無望矣

甲午晨刻大星如碗青光流至游氣後小星隨之

丙申都指揮同知黃讓往陝西慶陽提督操備

錦衣衛卒王永隆揭太監王振罪于通達匿其名邏校緝得

之詔磔于市不覆奏



已亥舊太倉曰京都太倉

知縣劉訓王紹宗訓導胡淵王震張瀾錢濟葛詡張昊為監察御史

庚子江西左布政使吳潤憂去屬官言其廉正乞奪情從之免順天山西災租

辛丑河南濟源縣道士宋本澄進絲幣緋綠各一銀瓶一云浮自濟瀆賜之鈔

定西侯蔣貴領五官軍左哨

壬寅兩淮都轉鹽運司同知耿九疇為運使九疇憂去商人乞起服太監王振聞其廉介故允之


癸卯尚寶司少卿朱祚卒祚海寧人九歲能詩永樂八年薦至十三年獻元宵觀燈賦稱旨洪熙初授行在中書舍人宣宗善其文進翰林修撰秩滿進尚寶少卿教內監書祚詩文援筆立就負氣好直言晚稍自怨號默齋

二月乙巳朔夜大星青白光燭地自天津流至敗衣後有二小星隨之

叅贊甘肅軍務右僉都御史曹翼秩滿為右副都御史

進士王詔為禮科給事中

國權 正統九年



戊申令陝西贖囚運芻甘州衛

巳酉定大同班軍歲再代

辛亥翰林院學士錢習禮侍講學士馬瑜主禮闈

譚亨除 衛指揮使 永寧伯譚廣之子

真定人薛茹瑞以妖言伏誅

乙卯譚敬宗服滿復鄆陵知縣

丙辰起復湖廣按使孔文英

丁巳免廣西永福縣災租并絕戶糧三千二百九十餘石

京師地震

已未免陝西逋租

辛酉中軍都督僉事曹義為都督同知仍鎮守遼東總兵官

癸亥陝西山西饑民流河南巡撫河南山西大理寺左少卿

謙于請發河南懷慶倉粟八十一萬石有奇平糶從之

甲子滿刺加國錫蘭山國入貢

申驀越誣告之禁誣十人以上軍戍邊衛民流口外


丙寅陝西行都司都指揮僉事劉廣為右軍署都督僉事充

副總兵鎮守涼州

設鎮番衛右千戶所專罪戍

國權 正統 九年

四



福餘衛泰寧衛所部盜邊被獲求貢馬貨死不許悉伏誅

庚午真一嗣教真人張懋丞卒賜祭葬

壬申 上發京師宿沙河

癸酉至天壽山

三月甲戌朔謁祭長陵獻陵景陵

乙亥還宿沙河

丙子還宮

丁丑夜土星犯天樽星

庚辰設雲南騰衝軍民指揮使司以騰衝要地城守之

雲南浪蠻等叛據刺撒山寨官軍攻破之走洞索山又大敗之斬三百餘級擒四十七人誅于甸尾

麓川思机發遣頭目刀孟永等入朝貢金銀乞宥罪受之

癸未毛憐衛右都督李撒滿答失里乞居京師自効從之賜

名曰忠

丙申申禁私創寺院庵觀

立獻陵衛


勅右僉都御史李純巡撫遼東代李濬

戊子策貢士商輅等百五十人于奉天殿賜商輅周洪謙劉

國權

正統十年

五



俊等進士及第出身有差輅鄉榜亦第一

勅雲南總兵官左都督沐昂叅贊軍務右侍郎楊寧曰緬甸  
卜刺浪約爾等及木邦罕蓋法至貢章付思任發而罕蓋法  
云卜刺浪索地獻賊爾等酌計毋墮其奸  
誅四川黑虎寨賊多思太

庚寅天鳴有聲

已亥故少師楊士奇子植為尚寶司丞

推官劉瑒行人呂困劉文知縣王鐘胡拱長莫原等俱為南  
京監察御史

河南衛輝府同知為知府

庚子亦力把里使臣馬黑麻為副千戶速來蠻為百戶以遠  
至嘉之

辛丑勅鎮守陝西都察院右都御史陳鎰巡撫河南山西左  
少卿于謙曰近御史馬恭奏陝西遠近居民求食日二千餘  
人餓死甚眾咸陵渭南富平等縣閉戶塞門逃竄趨食及爾  
謙奏祥符飢民屯聚男婦千餘原武亦如之朕即位以來輕  
徭寬負詔書屢矣今歲歉未甚流散若此豈非有司侵暴之  
耶又聞衛所官亦往剝害諸軍士方面風憲與同流汙疾

